

詩紀

卷九十八之二百一
陳一

詩紀目錄

陳一卷之九

后主

採桑


三婦豔詞十一首

採蓮曲

朱鷺

有所思三首

臨高臺



日出東南隅行

飛來雙白鶴

昭君怨

巫山高

雉子班

隴頭

隴頭水二首

折楊柳二首

關山月二首

洛陽道五首

長安道

梅花落二首

紫騮馬二首

雨雪曲

劉生

飲馬長城窟行

楊叛兒曲

舞媚娘三首

估客樂

三洲歌

前有一樽酒行

自君之出矣六首

玉樹後庭花

烏棲曲三首

東飛伯勞歌

長相思二首

古曲

獨酌謠四首

同江僕射遊攝山棲霞寺

同平南弟元日思歸

立春日汎舟玄圃各賦一字六韻成篇

獻歲立春光風具美汎舟玄圃各賦六韻

上巳宴麗暉殿各賦一字十韻

上巳玄圃宣猷堂禊飲同共八韻

春色禊辰盡當曲宴各賦十韻

後漢汎舟春日玄圃各賦七韻

上巳玄圃宣猷嘉辰禊酌各賦六韻以次成篇

七夕宴宣猷堂各賦一韻詠五物自足為十并

牛女一首五韻物次第用得帳屏風案唾履壺

七夕宴重詠牛女各為五韻

同管記陸琛七夕五韻

七夕宴樂脩殿各賦六韻

七夕宴玄圃各賦五韻

五言同管記陸瑜九日觀馬射

五言畫堂良夜履長在節歌管賦詩迺筵命酒

十韻成篇 同管記陸瑜七夕四韻

初伏七夕已覺微涼既引應徐且命燕趙清風

朗月以望七襄之駕置酒陳樂各賦四韻之篇

晚宴文思殿 宴光壁殿詠遙山燈

三善殿夕望山燈 入隋侍宴應詔

幸玄武湖餞吳興太守任惠

宴詹事陸繕省 聽箏

附錄

隋渠詩

小窓詩

寄碧玉詩

戲贈沈后

后答詩附

陳二

卷之九十九

陰鏗

新成安樂宮

班婕妤怨

蜀道難

和登百花亭懷荆楚

奉送始興王

廣陵岸送北使

江津送劉光祿不及

和傅郎歲暮還湘州

渡青草湖

渡岸橋

遊始興道館

開善寺

罷故章縣

閒居對雨二首

行經古墓

和樊晉陵傷妾

和侯司空登樓望鄉

登武昌岸望

晚出新亭

晚泊五洲

詠得神仙

遊巴陵空寺

秋閨怨

南征閨怨

侯司空宅詠妓

經豐城劔池

西遊咸陽中

觀釣

詠石

侍宴賦得夾池竹

雪裏梅花

五洲夜發

詠鶴

陳三

卷之一百

徐陵

驄馬驅

中婦織流黃

出自薊北門行

隴頭水

折楊柳

關山月二首

洛陽道二首

長安道

梅花落

紫騮馬

劉生

烏棲曲二首

雜曲

長相思二首

同江詹事登宮城南樓

走筆戲書應令

春情

奉和詠舞

和簡文帝賽漢高帝廟

山齋

詠棋

侍宴

奉和山池

山池應令

別毛永嘉

秋日別庾正員

新亭送別應令

和王舍人送客未還閨中有望

爲羊兗州家人荅餉鏡

詠織婦

內園逐涼

鬪鷄

詠日華

詠雪

春日

奉和簡文帝山齋

陳四

卷之一
百一

沈炯

長安少年行

獨酌謠

從駕送軍

望郢州城

長安還至方山愴然自傷

離合詩贈江藻

建除詩

六府詩

八音詩

六甲詩

十二屬詩

從遊天中寺應令

同庾中庶肩吾周處士弘讓遊明慶寺

名都一何綺

爲我彈鳴琴

賦得邊馬有歸心

詠老馬

和蔡黃門口字詠絕句

孔奐

賦得名都一何綺

孔魚

和六府

周弘正

荅林法師

學中早起聽講

還草堂尋處士弟

入武關

和庾肩吾入道館

看新婚

名都一何綺

詠石鯨應詔

詠老敗鬪鷄

隴頭送征客

詠歌人偏得日照

劉孝綽和

詠班竹掩團扇

於長安詠鴈

周弘讓

留贈山中隱士

春夜醮五岳圖文

賦得長笛吐清氣

立秋

周弘直

賦得荆軻有歸心

陸瓊參差曲出散麻絕句立燈

關山月中對士

梁甫吟五岳圖文

風還臺樂

長相思

和張湖熟窻詩

玄圃宴各詠一物得筆

陸瑜

信班竹蘇園

仙人覽六著篇

東飛伯勞歌

獨酌謠

陸玠

素淡

賦得雜言詠粟

陳五卷之一

祭關

張正見

大江

釣竿篇二首

度關山

晨鷄高樹鳴

採桑

豔歌行

從軍行

三婦艷詩

置酒高殿上

門有車馬客行

白頭吟

怨詩

應龍篇

輕薄篇

帝王所居篇

朱鷺車馬容台

上之回

戰城南信

君馬黃二首

芳樹

有所思

稚子班

臨高臺

隴頭水二首

折楊柳

關山月

洛陽道

刺五梅花落

紫騮馬

雨雪曲

劉生

公無渡河

對酒

銅雀臺

長安有狹斜行

飲馬長城窟行

泛舟橫大江

煌煌京洛行

明君詞

神仙篇

前有一樽酒行

陳六

卷之一
百三

張正見

征虜亭送新安王應令

御幸樂遊苑侍宴

重陽殿成金石會竟

詩上

從籍田應衡陽王教作

從永陽王遊虎丘山 陪衡陽王遊耆闍寺

與錢玄智汎舟 遊匡山簡寂館

和諸葛覽從軍游獵 山家閨怨

和陽一作楊侯送袁金紫葬

傷韋侍讀 後湖泛舟

遊龍首城 別韋諒賦得江湖汎別舟

星名從軍詩 賦得韓信

行經季子廟 賦得落落窮巷士

賦得日中市朝滿 賦得題新雲

賦得白雲臨酒 詠雪應衡陽王教

賦得雪映夜舟 薄帷鑒明月

玄圃觀春雪 秋河曙耿耿

浦狹村煙度 和衡陽王秋夜

賦得山卦名 初春賦得池應教

賦得垂柳映斜谿 賦得岸花臨水發

賦得風生翠竹裏應教

賦得山中翠竹 賦得梅林輕雨應教

賦新題得蘭生野徑 賦得威鳳棲梧

賦得魚躍水花生 賦新題得寒樹晚蟬踈

賦得秋蟬唱一作柳應衡陽王教

秋日別庾正員 賦得佳期竟不歸

賦得塔前嫩竹

陳七 卷之一 百四

江總

稚子班 隴頭水二首 王媵

折楊柳 關山月

洛陽道二首 長安道

梅花落二首 紫驢馬

驄馬驅 雨雪曲

劉生 婦病行

置酒高殿上 今日樂相樂

簫史曲 詠燕燕于飛應詔

濟黃河 橫吹曲

怨詩二首 烏棲曲

芳樹 東飛伯勞歌

雜曲三首

梅花落

宛轉歌

長相思二首

陳八

卷之一
百五

江總

二

秋日侍宴婁苑湖應詔

今日樂賦

侍宴玄武觀

宴樂脩堂應令

三日侍宴宣遊堂曲水

秋日游昆明池

秋日登廣州城南樓

贈洗馬袁朗別

詔孔中丞負

贈賀左丞蕭舍人

遇長安使寄裴尚書

別南海賓化侯

庚寅年二月十二日遊虎丘山精舍

入龍丘巖精舍

明慶寺

入攝山栖霞寺

遊攝山栖霞寺

攝山栖霞寺山房夜坐簡徐祭酒周尚書并同

遊群彥

徐孝
克和

靜卧栖霞寺房望徐祭酒

徐孝
克和

營涅槃懺還塗作

至德二年十一月十二日升德施山齋三宿決

定罪福懺悔詩

南越木槿歌

詠採甘露應詔

借劉太常說文

賦得一日成三賦應令

攝官梁小廟

卜山楚廟

山庭春日

七夕

南還尋草市宅

和張記室源傷往

在陳旦解醒共哭顧舍人

侍宴臨芳殿

侍宴瑤泉殿

別袁昌州二首

經始興廣果寺題愷法師山房

和衡陽殿下高樓看妓

賦得空閨怨

并州羊腸坂

歲暮還宅

春夜山庭

夏日還山庭

賦得謁帝承明廬

賦得携手上河梁應詔

賦得汎汎水中鳧

賦得三五明月滿

衡州九日

賦詠得琴

詠雙闕

三善殿夜望山燈

奉和東宮經故妃舊殿

同庾信荅林法師

詠李

詠蟬

荅王筠早朝守建陽

門開

侍宴賦得起坐彈鳴琴

別永新侯

春日

於長安歸還揚州九月九日行薇山亭賦韻

哭魯廣達

秋日新寵美人應令

新入姬人應令

閨怨篇二首

內殿賦新詩

姬人怨

姬人怨服散篇

陳九

卷之一
百六

顧野王

羅敷行

芳樹

有所思

隴頭水

長安道

陽春歌

豔歌行三首

傅縡

採桑

天馬引

雜曲

褚玠

闔鷄東郊道

岑之敬

折楊柳

洛陽道

對酒

烏栖曲

當壚曲

徐伯陽

日出東南隅行

遊鍾山開善寺

蔡凝

賦得處處春雲生

蔡君知

君馬黃

阮卓

關山月

長安道

詠魯仲連

賦得風

賦得蓮下游魚

賦得黃鵠一遠別

陳昭

昭君詞

聘齊經孟嘗君墓

陳暄

洛陽道

長安道

紫騮馬

雨雪曲

祖孫登

紫騮馬

宮殿名登高臺詩

賦得司馬相如

詠風

詠水

詠柳

賦得涉江採芙蓉

蓮調

詠城塹中荷

劉剛

泛宮亭湖

賦得蘇武

採藥遊名山

侯司空宅詠妓

賦松上輕蘿

賦得馬

賦得獨鶴凌雲去

詠青草

詠蟬

謝燮

龍頭水

雨雪曲

明月子

方諸曲

早梅

蕭詮

巫山高

賦得往往孤山映

詠銜泥雙燕

賦得夜猿啼

賦得婀娜當軒織

賀徹

採桑

賦得長笛吐清氣

賦得為我彈鳴琴

賀循

賦得夾池脩竹

賦得庭中有奇樹

李爽

賦得芳樹

山家閨怨

蕭貴

長安道

何胥

被使出關

賦得待詔金馬門

傷章公大將軍

哭陳昭

孔範

賦得白雲抱幽石

和陳主詠鏡

王瑳

折楊柳

洛陽道

李長相思

潘徽

贈北使

韋鼎

長安聽百舌

徐德言

破鏡詩

樂昌公主

錢別自解

陳十

卷之一
百七

張君祖

詠懷三首

贈沙門竺法願三首

道樹經讚

三昧經讚

答庾僧淵

庾僧淵

代張君祖

又答

何處士

春日從將軍遊山寺

別才法師於湘還郢北

敬訓解法師所贈

通士人篇

蘇子卿

朱鷺

艾如張

梅花落

紫驪馬

南征

陽縉

賦得荆軻

照帙秋螢

俠客控絕影

陽慎

從駕祀麓山廟

賀力牧

關山月

亂後別蘇州人

伏知道

從軍五更轉五首

詠人娉妾仍逐琴心

賦得招隱

毛處約

稚子班

陸系

有所思

獨孤嗣宗

紫騮馬

李燮

紫騮馬

江暉

劉生

雨雪曲

何楫

班婕妤怨

蕭渾

長相思

孔仲智

羈謠

蕭有

射雉

徐湛

賦得班去趙姬升

吳尚野

詠隣女樓上彈琴

吳思玄

閨怨

殷謀

日出東南隅行

賈馮吉

自君之出矣

何曼才

為徐陵傷妾

許倪

刺破扇

蕭麟

詠柏複

陳詩目錄

蕭琳

隔壁聽妓

陳叔達

詠空鏡臺

釋惠標

詠山三首

詠孤石

曇瑗

遊故苑

釋洪偃

遊故苑

遊鍾山之開善定林息心宴坐引筆賦詩

釋智愷

臨終詩

高麗定法師

詠孤石

陳少女

寄夫

十一

唐

陳詩目錄

十一

唐

郊廟歌辭

無名氏

陳太廟舞辭七首

凱容舞

凱容舞

凱容舞

凱容舞

凱容舞

景德凱容舞

武德舞

雜歌謠辭

齊雲觀歌

江東謠

陳初童謠二首

張種歌

陳一
賀歌

陳一

詩紀目錄終

詩紀卷之九十八

陳一

巡按陝西監察御史太原甄敬 裁正

陝西按察司僉事北海馮惟訥彙編

后主

諱叔寶字元秀宣帝子即位之後荒于酒色不恤政事而盛脩宮室刑罰酷濫隋文帝命將南征兵敗入隋見宥給賜甚厚仁壽四年終於洛陽

樂府

採桑

以下五言

春樓髻梳罷南陌競相隨去後花叢散風來香處移廣

袖承朝日長鬟礙聚枝柯新攀易斷葉嫩摘前菱採繁
鈎手弱微汗雜粧垂不應歸獨早堪為使君知

日出東南隅行

重輪上瑞暉西北照南威南威年二八開牖敞重闈當
壚送客去上苑逐春歸髻下珠勝月窓前雲帶衣紅裙
結未解綠綺自難微

三婦豔詞十一首

大婦避秋風中婦夜床空小婦初兩髻含嬌新臉紅得
意非霰日可憐那可同

大婦西北樓中婦南陌頭小婦初粧點回眉對月鈎可
憐還自覺人看反更羞

大婦主一作弄縑機中婦裁春衣小婦新粧冶拂匣動琴

徽長夜理清曲餘嬌且未歸

大婦妬蛾眉中婦逐春時小婦最年少相望捲羅幃羅
幃夜寒卷相望人來逢

大婦上高樓中婦蕩蓮舟小婦獨無事撥帳掩嬌羞夫
夫應自解更深難道留

大婦初調箏中婦飲歌聲小婦春粧罷弄月當宵楹季

子時將意相看不用爭

大婦愛恒偏中婦意常堅小婦獨嬌笑新來華燭前新
來誠可惑為許得新憐

大婦酌金杯中婦照粧臺小婦偏妖冶下砌折新梅衆
中何假問人今最後來

大婦怨空閨中婦夜偷啼小婦獨含笑正柱作烏棲河
低帳未掩夜夜畫眉齊

大婦正當壚中婦裁羅襦小婦獨無事淇上待吳姝鳥
歸花復落欵去却踟躕

大婦年十五中婦當春戶小婦正橫陳含嬌情未吐所
愁曉漏促不恨燈銷炷

飛來雙白鶴

朔吹已蕭瑟愁雲屢合開玄冬辛苦地白鶴從風催音
響已清切毛羽復殘摧飛來進

但為失雙回儻逢

噲德當共銜珠來

採蓮曲

相催暗中起妝前日已光隨耳巧注口薄落點花黃風
住疑衫密舩小畏裾長波文散動檝菱花拂度航低荷

亂翠影採袖新蓮香歸時會被喚且試入蘭房

昭君怨

圖形漢宮裏遙聘單于庭狼山聚雲暗龍沙飛雪輕笳
吟度龍咽笛轉出關鳴啼妝寒葉下愁眉塞月生只餘
馬上曲猶作別時聲

朱鷺

參差蒲未齊沉漾若浮綠朱鷺戲蘋藻徘徊流澗曲澗
曲多巖樹逶迤復斷續振振雖以明湯湯今又矚

巫山高

巫山巫峽深峭壁聳春林風巖朝蕊落霧嶺晚猿吟雲
來足蘆花雨過非感琴仙姬將夜月度影自浮沉

有所思三首

選詩拾遺
作望遠

蕩子好蘭期留人獨自思落花同淚臉初月似愁眉階

前看草蔓窓中對網絲不言千里別

一作
復是三時

杳杳與人期遙遙有所思山川千里間風月兩邊時相

對春那劇相望景偏逢當由分別久夢來還自疑

佳人在北燕相望渭橋邊團團落日樹耿耿曙河天愁

多明月下淚盡鴈行前別心不可寄惟餘琴上絃

雉子班

四野秋原暗十步啄方前
雉聲風處遠翅影雲間連
箭射妖姬笑裘值盛明
然已足南皮賞復會北宮篇

臨高臺

晚景登高臺迴望春光來
霧濃山後暗日落雲傍開
煙裏看鴻小風來望葉回
臨窓已響吹極眺且傾杯

隴頭

隴頭征戍客寒多不識春
驚風起嘶馬苦霧雜飛塵
投越石水歛轡交河津
四面夕冰合萬里望佳人

隴頭水二首

塞外飛蓬征隴頭流水鳴
漠處揚沙暗波中燥葉輕
地風冰易厚寒深溜轉清
登山一回顧幽咽動邊情

高隴多悲風寒聲起夜叢
禽飛暗識路鳥轉逐征蓬
落葉時驚沫移沙屢擁空
回頭不見望流水玉門東

折楊柳二首

楊柳動春情倡園妾屢驚
入樓含粉色依風雜管聲
武昌識新種官渡有殘生
還將出塞曲仍共

玉臺作仍作

胡笳

鳴

長條黃復綠垂絲密且繁
花落幽人徑步隱將軍屯
谷暗宵鉦響風高夜笛喧
聊持暫攀折空足憶中園

關山月二首

秋月上中天迥

一作迴

照關城前暈缺隨
灰滅光滿應珠

圓帶樹還添桂街峯乍似弦
復教征戍客長怨久

連翻

戍邊歲月久恒悲望舒耀城遙
接暈高澗風連影搖寒光帶岫
徒冷色含山峭看時使人憶為
似嬌娥照

洛陽道五首

誼誼照邑里遨遊出洛京
霜枝嫩柳發水塹薄苔生停

鞭回去影駐軸敞前甍臺上經
相識城下屢逢迎踟躕還借問
只重未知名

日光朝杲杲照耀東京道
霧帶城樓開啼侵曙色早佳
麗嬌南陌香氣含風好自憐
釵上纓不歎河邊草

建都開洛汭中地乃城陽縱橫肆
八達左右闢康莊銅溝飛柳絮
金谷落花光忘情伊水側稅駕
河橋傍

百尺瞰金埒九衢通玉堂
柳花塵裏暗槐色露中光游
俠幽并客當鑪京兆粧向夕
風煙晚金羈滿洛陽

青槐夾馳道御水映銅溝
遠望凌霄闕遙看井幹樓黃

金彈俠少朱輪盛徹侯桃花雜渡馬紛披聚陌頭

長安道

建章通未央長樂屬明光大道移甲第甲第玉為堂遊
蕩新豐裏戲馬渭橋傍當壚晚留客夜夜苦紅粧

梅花落二首

春砌落芳梅飄零上鳳臺拂妝疑粉散逐溜似萍開映
日花光動迎風香氣來佳人早挿髻試立且徘徊
楊柳春樓邊車馬飛風煙連娉烏孫伎屬客單于氈鴈
聲不見書蠶絲欲斷絃欲持塞上蕊試立將軍前

紫駟馬二首

嫋姚紫塞歸蹀躞紅塵飛玉珂鳴廣路金絡耀晨輝蓋

轉時移影香動屢驚衣禁門猶未閉連騎恣相追

一作莫相

蹀躞紫駟馬照耀白銀鞍直去黃龍外斜趨玄菟端垂
韃還細柳揚塵歸上蘭紅臉桃花色客別重羞看

公五營雨雪曲

長城飛雪下邊關地籟吟濛濛九天暗霏霏千里深樹
冷月恒以山霧日偏沉况聽南歸鴈切思胡笳音

劉生

遊俠長安中置驛過新豐擊鐘蒲壁磬鳴弦楊葉子孟
公正驚客朱家始賣僮羞作荆卿笑捧劍出遼東

飲馬長城窟行

征馬入他鄉山花此夜光離群嘶向影因風屢動香月

色含城暗秋聲雜塞長何以酬天

一作君

子馬革報疆場

揚叛兒曲

拾遺作隋越王京洛行

青春上陽月結伴戲京華龍媒玉珂馬鳳軫繡香車水
映臨橋樹風吹夾路花日昏歡宴罷相將歸袂斜

舞媚娘三首

樓上多嬌艷當窓併三五爭弄遊春陌相邀開繡戶轉

態綠紅裙含嬌拾翠羽留賓乍拂絃託意時移柱

淇水變新臺春壚當夏開玉面含羞出金鞍排夜來

春日好

一作多

風光尋觀向市傍轉身移佩響牽袖起衣

香

估客樂

三江結儔侶萬里不辭遙恒隨鷁首舫屢逐鷄鳴潮

三洲歌

春江聊一望細草遍長洲沙汀時起伏畫舸屢淹留

殿高絲吹滿日落綺羅鮮莫論朝漏促傾危待夕筵

自君之出矣六首

自君之出矣霜暉當夜明思君若風影來去不曾停

自君之出矣房空帷帳輕思君如晝燭懷心不見明

自君之出矣不分道無情思君若寒草零落故心生

自君之出矣塵網暗羅帷思君如落日無有暫還時

自君之出矣綠草遍皆生思君如夜燭垂淚著鴉烏

自君之出矣愁顏難復覩思君如藥條夜夜只交苦

玉樹後庭花

以七言

隋書樂志曰陳后主於清樂中造黃驪留及玉樹後庭花金釵兩鬢垂等曲與幸臣等製

其歌詞綺豔相高極於輕蕩男女唱和其音甚哀

麗宇芳林對高閣新粧艷質本傾城映戶疑嬌乍不進
出帷含態笑相迎妖姬臉似花含露玉樹流光照後庭

烏棲曲三首

陌頭新花歷亂生葉裏啼鳥送春情長安遊俠無數伴

白馬驪珂路中滿

金鞍向暝欲相連玉面俱要來帳前含態眼語懸相解

音蟹翠帶羅裙入為解

合歡襦薰百和香牀中被織兩鴛鴦烏啼漢沒天應曙

只持懷抱送郎去

東飛伯勞歌

池側鴛鴦春日鷺綠珠絳樹相逢迎誰家佳麗過淇上

翠釵綺袖波中漾雕軒繡戶花恒發珠簾玉砌移明月

年時二七猶未笄轉顧流盼鬢髻低風飛燕落將

一作時

何故可惜可憐空擲度

長相思二首

以下雜言

長相思久相憶關山征戍何時極望風雲絕音息上林

書不歸迴紋徒自織羞將別後面還似初相識

長相思怨成悲蝶縈草樹連絲庭花飄散飛入帷帷中

看隻影對鏡斂雙眉兩見同見

玉臺作望

月兩別共春時

古曲

桂鉤影桂枝開紫綺袖逐風迴日明珠色偏亮葉盡衫

香更來

獨酌謔四首

序曰齊人淳于髡善為十酒偶效之作獨酌謔

獨酌謔獨酌且獨謔一酌豈陶暑二酌斷風颺三酌意
不暢四酌情無聊五酌盃易覆六酌懽欲調七酌累心
去八酌高志超九酌忘物我十酌忽凌霄凌霄異羽翼
任致得飄飄寧學世人醉揚波去我遙爾非浮丘伯安
見王子喬

獨酌謔獨酌起中宵中宵照春月初花發春朝春花春
月正徘徊一罇一弦當夜開聊奏孫登曲仍斟畢卓杯
羅綺徒紛亂金翠轉逢回中心本如水凝志更同灰道
遙自可樂世語世情哉

獨酌謔獨酌酒難消獨酌三兩盃弄曲兩三調調弦忽
未畢忽值出房朝更似遊春苑還如逢麗譙衣香逐嬌
去眼語送杯嬌餘罇盡復益自得是逍遙
獨酌謔獨酌一罇酒樽酒傾未酌明月正當牖是牖非
圓甕吾樂非擊缶自任物外懽更齊椿菌久卷舒乃一
卷忘情且十斗寧復語綺羅因情即山藪

詩

同江僕射遊攝山棲霞寺

以下
五言

時宰磻溪心非關狎竹林鷺嶽青松繞雞峯白日沉天
迥浮雲細山空明月深摧殘枯樹影零落古藤陰霜村

一作夜鳥去風路一作寒猿吟自悲堪出俗詎是歌一作

願抽簪一作同平南弟元日思歸

至德掩羲黃成功邁禹湯儀刑元四海來庭盛萬方鳴

玉觀升降擊石乃鏗鏘三春氣色早九疑煙霧長浮雲

斷更續輕花落復香北宮瞻遠岫南服阻遙江爾言想

伊洛我思屬瀟湘一作

立春日汎舟玄圃各賦一字六韻成篇

座有張式陸瓊顧野王謝仲褚琢王綏傅縡
陸瑜姚察等九人上○已下十六首並見歲

時雜
詠

春光反禁苑暖日暖源桃霄煙近漠漠暗浪遠滔滔石

苔侵綠蘚岸草發青袍迴歌逐轉檝浮水隨度刀遙看

柳色嫩迴望鳥飛高自得欣為樂忘意若臨濠

獻歲立春光風具美汎舟玄圃各賦六韻

座有張式陸瓊顧野王殷
謀陸琢岑之敬等六人上

寒輕條已翠春初未轉禽野雪明巖曲山花照迥林苔

寒輕條已翠春初未轉禽野雪明巖曲山花照迥林苔

色隨水溜樹影帶風沉沙長見水落歌遙覺浦深餘輝
斜四戶流風颺八音既此留連席道欣放曠心

上巳宴麗暉殿各賦一字十韻

芳景滿闌窓暄光生遠阜更以登臨趣還勝袂襖酒業
照源上桃風搖城外柳斷雲仍合霧輕霞時映牖遠樹
帶山高嬌鶯含嚮偶一峯遙落日數花飛映綬度鳥或
遛檐飄絲屢薄藪言志遞為樂置觴方薦壽文學且迺
筵羅綺令陳後干戈幸勿用寧源勞馬首

上巳玄圃宣猷堂襖飲同共八韻

綺殿三春晚玉燭四時平藤交近浦暗花照遠林明百
戲堦庭滿八音絃調清鶯喧雜管韻鐘響帶風生山高
雲氣積水急溜杯輕簪纓今盛此俊又本多名帶才盡
壯思文采發雕英樂是西園日歡茲南館情

春色襖辰盡當曲宴各賦十韻

餘春尚芳菲中園飛桃李是時乃季月茲日叶上巳既
有遊伊洛可以袞溱洧得性足為娛高堂聊復擬高堂
亦有趣圖績此芳軌栖道稱式駿善政日馴雉蘭桂觀
往轍簪裾躡前趾啼禽靜或喧花落低還起水霧遙混

雜山雲遠相似坐客聽一言隨吾祛俗鄙

衣衣袂袂汎舟春日玄圃各賦七韻

園林多趣賞袂袂樂還尋春池已渺漫高枝自從森日

裏絲光動水中花色沉安流淺易榜峭壁迥難臨野鶯

添管響深岫接鏡音山遠風煙麗苔輕激浪侵置酒來

英雅嘉賢良所欽

上巳玄圃宣猷嘉辰袂酌各賦六韻以次成篇

座有張式陸瓊顧野王陸瑒岑之敬等五人上

園開簪帶合亭迥春芳過鶯度遊絲斷風駛落花多峯

幽來鳥轉洲橫擁浪波歌聲時出牖舞影乍侵柯面玉

同釵玉衣羅異草蘿既悅弦筒暢復歡文酒和

七夕宴宣猷堂各賦一韻詠五物自足為十并

牛女一首五韻物次第用得帳屏風案唾壺

履座有陸瓊傳緯陸瑜姚察等四人

錦作明玳床黼垂光粉壁帶日芙蓉照因吹芳芬拆

織成如績采琉璃畏風擊秦宮得絕超漢_殊斑敵_敵

已羅七姐滿兼逢百品易張陳荅贈言梁室齊眉席

蘊仙此還異掌漏翻非役侍臣乃執捧良賓乃投擲

賢舍觀穴踵瓜田規躡迹矩步今有儀用此前嘉客

七夕宴重詠牛女各為五韻 座有劉耽安遠侯方華張式陸瓊顧

野王褚玠謝仲周燮傅緯陸瑜柳莊王瑳等十三人

明月照高臺仙駕忽徘徊雷徒聞車度霞上見粧開房

移看動馬斗轉望斟杯壓色隨星去髻影雜雲來更覺

今宵短只遽日輪催

同管記陸琛七夕五韻

亭亭秋月明團團夕露輕鳳駕今時度霓騎此宵迎疏

上采霞動粉外白雲生故嬌隔分別新歡起舊情含笑

不終夜香風空自停

七夕宴樂脩殿各賦六韻 座有張式陸瓊褚玠王瓊傅緯陸瑜姚察

七人

秋初芰荷殿寶帳芙蓉開玉笛隨絃上金鈿逐照迴釵

光搖玳瑁柱色輕玫瑰笑壓人前歛衣香動處來非同

七襄駕詎隔一春梅神仙定不及寧用流霞盃

七夕宴玄圃各賦五韻 座有顧野王陸瑜姚察等四人

殿深炎氣少日落夜風清月小看針暗雲開見縷明絲

調聽魚出吹響間蟬聲度更銀燭盡陶暑玉卮盈星津

雖可望詎得似人情

五言同管記陸瑜九日觀馬射

晴朝麗早霜秋景照堂皇
榦慘風威切荷雕池望荒樓
高看鴈下葉散覺山涼
歇霧含空翠新花濕露黃
飛禽接取影度日轉鉞光連
翻北幽騎馳射西園傍
勒移碼礮色鞭起珊瑚揚
已同過隙遠更異良弓藏
且觀千里汗仍瞻百步揚
非為從逸賞方追塞外羌

五言畫堂良夜履長在
節歌管賦詩迺筵命酒

十韻成篇

得香合答雜納
風匝欲拉閣

季冬初陽始寒氣尚蕭颯
原葉或委低岫雲時吐欲
雕樹乍踈迥遠峯自重杳
雲興四山霾風動萬籟蒼
肅肅凝霜下峩峩層冰合
復殿可以娛於茲多延納
迢迢百尺觀杳杳三休閣
前後訓道屏左右文衛匝
進退簪纓移縱橫壯思雜
幸矣天地泰當無范睢拉

同管記陸瑜七夕四韻

陸瑜王瓊等
二人上和

河漢言清淺相望限煙霄
雲生劍氣沒槎還客宿遙
月上仍為鏡星連可作橋
唯當有今夕一夜不迢迢

初伏七夕已覺微涼既引應徐且命燕趙清風

朗月以望七襄之駕置酒陳樂各賦四韻之

篇 座有張式陸瓊顧野王
傅緯陸玠等五人上

廣席多才俊重合引珠妍管絃檐外響羅綺樹中鮮
針還向月上儂復依筵度河將 殿相看併是仙

晚宴文思殿

晚日落餘暉宵園翠蓋飛荷影侵池浪雲色入山扉
螢光息復起暗鳥去翻歸樂極未言醉杯深猶恨稀

宴光壁殿詠遙山燈

照耀浮輝明飄飄落燼輕枝多含樹影煙上帶珮生雜

桂還如月依柳更疑星園中鶴采麗池上鳥飛驚

三善殿夕望山燈

重岫多風煙華燈此岫邊涸浦如珠露彫樹似花鈿
依樓雜渡月帶石影開蓮既有常滿照羞與曉星連

入隋侍宴應詔

南史曰後主從隋文帝東巡登芒山賦詩

日月光天德山河壯帝居太平無以報願上東封一作萬年

書

幸玄武湖餞吳興太守任惠

寒雲輕重色秋水去來波待我戎衣定然送大風歌

宴詹事陸繕省

禁闥九重中宴賞三春日雲收上樹隱葉長宮槐密水
綠已浮苔花舒正含實闕

聽箏雜言○詩
話補遺

文窓玳瑁影嬋娟香帷翡翠出神仙促柱點唇鶯欲語
調弦繫爪鴈相連秦聲本自楊家解吳歎那知謝傅憐
祇愁芳夜促蘭膏無那煎

附錄

按小說家所載后主煬帝諸詩辭多不類其為
後人依託無疑今別附於此以備省覽云爾

隋渠詩

海山記曰隋煬帝夕泛舟北海忽見水上有
小舟至乃陳后主也帝起迎之后主曰聞陛
下開隋渠引洪河之水
東遊維揚因作詩以奏

隋室開茲水初心謀大賒一千里力役百萬民吁嗟水
殿不復返龍舟成小瑕溢流隨陡岸濁浪噴黃沙兩人
迎客至三月柳飛花日脚沉雲外榆梢噪暝鴉如今遊
子俗異日便天家且樂人間景休尋海上槎人喧舟艤
岸風細錦帆斜莫言無後利千古壯京華

小窓詩

顏師古隋遺錄曰煬帝昏酒嘗游吳公宅鷄
臺忽與陳后主相遇后主復詩十數篇帝止
記小窓及寄
侍兒碧玉詩

午醉醒來晚無人夢自驚夕陽如有意偏傍小窓明

寄碧玉詩

離別腸應斷相思骨合銷愁魂若飛散憑仗一相招人

戲贈沈后

平陳錄曰沈后者望蔡侯君理女也以張貴
妃權寵動經半年不得御陳主當御沈后處
暫入即還謂后曰何不見留贈詩
一后答曰一〇亦見朝野篇載

留人不留人不留人也去此處不留人自有留人處

沈后

誰言不相憶見罷倒一作便成羞情知不肯住教遣一作

我若為留

詩紀卷之九十八

詩紀卷之九十九

陳二

陰鏗

字子堅武威人五歲能誦詩賦日千言尤善五言詩為當時所重仕梁為湘東王法曹行參軍

陳天嘉中為始興王中錄事參軍累遷晉陵太守員外散騎常侍卒

新成安樂宮

歷代吟譜曰鏗賦新成安樂宮援筆便就

新宮實壯哉雲裏望樓臺迢遞翔鷗仰連翩賀燕來重

攔寒霧宿丹井夏

一作夜蓮開砌石披新錦梁花盡早梅

歌知安樂盛歌管雜塵埃

班婕妤怨

千騎環木晚無人
少自驚夕陽如有意
偏傍小窓明

寄樂平詩

離別勝感斷相思
骨合銷愁真若飛
散憑仗一相招

詩紀卷之九十八

人也去

詩紀卷之九十九
良驃類是豈
亦舒坐不避
齋則臺

陳二
并贈
千里
隨風
歎望
必對
以起
壯金

陰鏗
字子堅
武威人
五歲能誦詩賦
日千言
尤善五言詩
為當時所重
仕梁為湘東王法曹行參軍

陳天嘉中為始興王中錄事參軍
累遷晉陵太守員外散騎常侍卒

王導奉新成安樂宮
歷代吟譜曰鏗賦新
成安樂宮援筆便就

新宮實壯哉
雲裏望樓臺
迢遞翔鷗仰
連翩賀燕來
重

攔寒霧宿丹井夏
一作蓮開砌石披
新錦梁花盡早梅

歌知安樂盛
歌管雜塵埃

班婕妤怨
音恩
謝翫
精書
以陪
為婦
教神

不淚非但一楊朱
依然臨送渚長望倚河津
鼓聲隨聽絕帆勢與雲隣
泊處空餘鳥離亭已散人
林寒正下葉釣晚欲收綸
如何相背遠江漢與城闈
和傅郎歲暮還湘洲
林風不歸來
蒼茫歲歎晚辛苦客方行
大江靜猶浪扁舟獨且征
棠枯絳葉盡蘆凍白花輕
戍人寒不望沙禽迥未驚
湘波各深淺空軫念歸情

二渡青草湖

洞庭春溜滿平湖錦帆張
沅水桃花色湘流杜若香
穴去茅山近江連巫峽長
帶天澄迥碧映日動浮光
行舟逗遠樹度鳥息危檣
滄滄不可測一葦詎能航

渡岸橋

畫橋長且曲傍險復憑流
寫虹晴尚飲圖星晝不收
跨波連斷岸接路上危樓
欄高荷不及池清影自浮
何必橫南渡方復似牽牛

遊始興道館

紫臺高不極清谿千仞餘壇邊逢藥鈿洞裏闕仙書庭
舞經乘鶴池遊被控魚稍昏蕙葉斂歆暝槿花踈徒教
斧柯爛會自不陵虛對賦高吟不又或教湯自名回公
畫蘇是開善寺
鷺嶺春光遍王城野望通登臨情不極蕭散趣無窮鶯
隨入戶樹花逐下山風棟裡歸雲自窓外落暉紅古石
何年卧枯樹幾春空淹留昔未及幽桂在芳叢

罷故章縣

秩滿三秋暮舟虛一水濱漫漫遵歸道淒淒對別津晨

風下散葉岐路起飛塵長岑舊知遠萊蕪本自貧被裏
恒容吏正朝不繫民惟當有一犢留持贈後人

閒居對雨

四溟飛旦雨三逕絕來遊震位雷聲發離宮電影浮山
雲遙似帶庭葉近成舟茅簷下亂滴石竇引環流寄言
一高士如何麥不收

又

蘋藻降靈祗聰明諒在斯觸石朝雲起從星夜月離八
川奔巨壑萬頃溢澄陂綠野含膏潤青山帶濯枝嘉禾

方合穎秀麥已分岐寄語紛綸學持竿詎必知

行經古墓

偃松將古墓年代理當深表柱應堪燭碑書款有金迥
墳由路毀荒隧受田侵霏霏野霧合昏昏隴日沉懸劔
今何在風揚空自吟

和樊晉陵傷妾

畫梁朝日盡芳樹落花辭忽以千金笑長作九泉悲鏡
前塵劇粉機上網多絲戶餘雙入燕床有一空帷名香
不可得何見返魂時

和侯司空登樓望鄉

懷土臨霞觀思歸想石門瞻雲望鳥道對柳憶家園寒
田獲裏靜野日燒中昏信羨今何益傷心自有源

登武昌岸望

遊人試歷覽舊跡已丘墟巴水縈非字楚山斷類書荒
城高仍落古柳細條踈煙蕪遂若此當不為能居

晚出新亭

大江一浩蕩離悲足幾重潮落猶如蓋雲昏不作峯遠
戍唯聞鼓寒山但見松九十方稱半歸途詎有蹤

晚泊五洲

客行逢日暮結纜晚洲中戍樓因嶮

一作嶮

險村路入江

窮水隨雲度黑山帶日歸紅遙憐一柱觀欵輕千里風

詠得神仙

羅浮銀是殿瀛洲玉作堂朝游雲暫起夕餌菊恒香聊
持履成燕戲以石為羊洪厓與松子乘羽就周王

遊巴陵空寺

日宮朝絕磬月殿夕無扉網交雙樹葉輪斷七燈輝香
盡奩猶馥幡塵畫漸微借問將何見風氣動天衣

秋閨怨

獨眠雖已慣秋來只自愁火籠恒煖脚行障鎮牀頭眉
含黛俱斂啼將粉共流誰能無別恨唯守一空樓

南征閨怨

湘水舊言深征客理難尋獨愁無處道長悲不自禁逢
人憎解佩從來懶聽音唯當有夜鵲南飛似妾心

侯司空宅詠妓

劉剛同賦

佳人遍綺席妙曲動鷗絃樓似陽臺上池如洛水邊鶯
啼歌扇後花落舞衫前翠柳將斜日俱照晚粧鮮

經豐城劔池

清池自湛澹神劔久遷移無復連星氣空餘似月池夾
篠澄深渌含風結細漪唯有蓮花萼還想匣中雌

西遊咸陽中

阮籍詠懷詩曰西遊咸陽中趙李相經過

上林春色滿咸陽遊俠多城斗疑連漢橋星象跨河影
裏看飛轂塵前聽遠珂還家何意晚無處不經過

觀釣

澄江息晚浪釣侶柁輕舟絲垂遙濺水餌下暗通流歌

聲時斷續檝影乍橫浮寄言濯纓者滄浪終滯游

詠石

天漢支機罷仙嶺博基餘零陵舊是燕昆池本學魚雲
移蓮勢出苔駁錦紋疏還當穀城下別自解兵書

待宴賦得夾池竹

夾池一叢竹垂

一作青

翠不驚寒葉醞宜城酒皮裁

一作洽

薛縣冠湘川染別淚衡嶺拂仙壇歆見葳蕤色當來菟

苑看

一作歌見凌冬質當為雪中看

雪裏梅花

春近寒雖轉梅舒雪尚飄從風還共落照日不俱銷葉
開隨足影花多助重條今來漸異昨向晚判勝朝

五洲夜發

夜江霧裏闌新月迥中明溜船惟識火驚鳥但聽聲勞
者時歌榜愁人數問更

詠鶴

依池屢獨舞對影或孤鳴乍動軒墀步時轉入琴聲

詩紀卷之九十九

詩紀卷之一百

陳三

徐陵

字孝穆東海郟人擢之子初為梁晉安王參軍累遷至散騎常侍仕陳歷侍中安右將軍光祿大夫太子少傅南徐州太中正建昌縣開國侯氣局深遠清簡寡欲為一代文宗

樂府

驄馬驅

以下五言

白馬號龍駒彫鞍名鏤渠

一作

諸兄二千石小婦字羅

敷倚端輕掃史

一作

召募擊休屠塞外多風雪城中絕

詔書空憶長楸下連蹠復連蹠

中婦織流黃

落花還一作飛井上春機當戶前帶衫行障口覓劍枕檀

一作入壇邊數鐻經無亂新漿緯易牽蜘蛛夜伴織百舌曉

驚眠封用黎陽土書因計吏船欵知夫壻處今督水衡

錢

出自薊北門行

薊北聊長望黃昏心獨愁燕山一作然對古刹代郡隱一作

倚城樓屢戰橋恒斷長冰塹不流天雲如地陣漢月帶

胡秋漬土泥函谷接繩縛涼州平生燕領相會自得封

侯

隴頭水

別塗聳千仞離川懸百丈攢荆夏不通積雪冬難上枝

交隴底暗石礙波前響迴首咸陽中唯言夢時往

折楊柳

嫋嫋河堤樹一作柳依依魏主營江陵有舊曲洛下作新

聲妾對長楊苑君登高柳城春還應共見蕩子太無情

關山月二首

關山三五月客子憶秦川思婦高樓上當牕應未眠星

旗映踈勒雲陣上祁連戰氣今如此從軍復幾年
月出柳城東微雲掩復通蒼茫縈白暈蕭瑟帶長風
兵燒上郡胡騎獵雲中將軍擁節起戰士夜鳴弓

洛陽道二首

綠柳三春暗紅塵百戲多東門向金馬南陌接銅駝
軒翼葆吹飛蓋響鳴珂潘郎車欲滿無奈擲花何
洛陽馳道上春日起塵埃濯龍望如霧河橋渡似雷
聞珂知馬蹠傍幘見薨開相看不語密意眼中來

長安道

輦道乘雙闕豪雄被五都橫橋象天漢法駕應坤圖
韓康賣良藥董偃鬻明珠喧喧擁車騎非但執金吾

梅花落

對戶一株梅新花落故栽驚拾還蓮井風吹上鏡臺
媚家怨一作愁思妾樓上獨徘徊啼看竹葉錦簪一作簪罷未
能裁

紫騮馬

玉鐙繡纏鬃金鞍錦覆幪風驚塵未起草淺埒猶空角
弓連一作穿兩兔珠彈落雙鴻日斜馳逐罷連翩還上東

劉生

劉生殊倜儻任俠遍京華
戚里驚鳴筑平陽吹怨笳
俗儒排左氏新室忌漢家
高才被擯壓自古共憐嗟

烏棲曲二首 七言

卓女紅妝期此夜胡姬沽酒誰論價
風流荀令好兒郎偏能傅粉復薰香
繡帳羅帷隱燈燭一夜千年猶不足
唯憎無賴汝南鷄天河未落猶爭啼

雜曲

傾城得意已無儔洞房連閣未消愁
宮中本造鴛鴦殿為誰新起鳳凰樓
綠黛紅顏兩相發千嬌百念情無歇
舞衫迴袖勝春風歌扇當牕似秋月
碧玉宮妓自翩妍絳樹新聲最可憐
張星舊在天河上從來張姓本連天
二八年時不憂度旁邊得寵誰相一作應妬
立春曆日自當新正月春幡底須故
流蘇錦帳挂香囊織成羅幌隱燈光
只一作紙應私將琥珀枕冥冥來上珊瑚床

長相思二首 雜言

長相思望歸難傳聞奉詔成臯蘭
龍城遠鴈門寒愁來

瘦轉劇衣帶自然寬念君今不見誰為抱腰看
長相思好春節夢裡恒啼悲不洩帳中起窻前髻柳絮
飛還聚遊絲斷復結欲見洛陽花如君隴頭雪

當詩

同江詹事登宮城南樓

以下
五言

元良屬上德率土被中孚漢幄朝無怠周門夕復趨桓
經既受業賀拜且尊儒壯志諧風雅高文會斗樞鏗鏘
叶舞蹈炤爛等琨瑜溝水慙雄伯漳川仰大巫鮑魚寧
入俎釣鱉匪克厨叔譽恒詞屈防年豈濫誅

走筆戲書應令

此日乍殷勤相嫌不如春今宵花燭淚非是夜迎人舞
席秋來卷歌筵無數塵曾經新代故那惡故迎新片月
窺花簾輕寒入錦中秋來應瘦盡偏自著腰身

春情

風光今日動雪色故年殘薄夜迎新節當鑪却晚寒音

一作

香分細霧

一作

石炭擣輕紈竹葉裁衣帶梅花奠

酒盤年芳袖裏出春色黛中安欲知迷下蔡先將過上

蘭

奉和詠舞

簡文有詠舞詩

十五屬平陽因來入建章主家能教舞城中巧畫粧低
鬟向綺席舉袖拂花黃燭送空迴一作窓邊影衫傳篋裏香
當由好留客故作舞衣長

和簡文帝賽漢高帝廟

聲偶作徐摛詩景作庾肩吾並誤

山宮類牛首漢寢若龍川玉盃無秋耐金燈滅夜烟丹
帷迫靈岳糾席下群仙堂虛沛筑響釵低戚舞妍何殊
后廟裏子建作華篇

山齋

桃源驚往客鶴嶠斷來賓復有風雲處蕭條無俗人山
寒微有雪石路本無塵竹徑蒙籠巧茅齋結構新燒香
披道記懸鏡厭山神砌水何年溜簷桐幾度春雲霞一
已絕寧辯漢將秦

詠柑

藝文初學並作徐陵詩劉孝綽集載此或誤收也

朱實挺江南苞品擅珍淑上林雜嘉樹江潭間脩竹萬
室擬封侯千株挺荆國綠葉萋以布素榮芬且郁得陳
終宴歡良垂雲雨育

侍宴

園林才有熟夏淺更勝春嫩竹猶含粉初荷未聚塵承
恩豫下席應阮獨何人

奉和山池 梁簡文有
山池詩

羅浮無定所鬱島屢遷移不覺因風雨何時入後池樓
臺非一勢臨翫自多奇雲生對戶石猿挂入欄枝

山池應令

畫舸圖仙獸飛艫挂采旂榜人事金漿釣女飾銀鈎細
萍時帶撒低荷乍入舟猿啼知谷晚蟬咽覺山秋

別毛永嘉 英華作別
毛尚書

願子厲風規歸來振羽儀嗟余今老病此別空長離白
馬君來哭黃泉我詎知徒勞脫寶劍空掛隴頭枝

秋日別庾正負 藝文作
張正見

征途愁轉旆連騎慘停鑣朔氣凌疎木江風送上潮青
雀離帆遠朱鷺別路遙唯有當秋月夜夜上河橋

新亭送別應令

鳳吹臨伊水時駕出河梁野燎村田黑江秋岸荻黃隔
城聞上鼓迴舟隱去檣神襟愛 一作
憂 遠別流睇極清漳

和王舍人送客未還閨中有望

倡人歌吹罷對鏡覽紅顏拭粉留花稱除釵作小鬟綺
燈停不滅高扉掩未關良人在何處光唯見月還

為羊兗州家人荅餉鏡

信來贈寶鏡亭亭似團月鏡久自踰明人久情愈歇取
鏡掛空臺於今莫復開不見孤鸞鳥香魂何處來

詠織婦

纖纖運玉指脉脉正蛾眉振躡開交縷停梭續斷絲簷

前初月照洞戶朱帷垂一作未垂帷弄機行掩淚彌令織素

遲

內園逐涼

昔有北山北今余一作來東海東納涼高樹下直坐落花

中狹徑長無跡茅齋本自空提琴就竹篠酌酒勸梧桐

閩鷄

季子聊為戲陳王歆騁才花冠已衝力今爪復驚媒闔
鳳羞衣錦雙鸞耻鏡臺陳倉若有信為覓寶鷄來

詠日華

朝暉爛曲池夕照滿西陂復有當晝景江上鑠光儀時
從高浪歇乍逐細波移一在雕梁上詎比扶桑枝

詠雪

瓊林玄圃葉桂樹日南華豈若天庭瑞輕雪帶風斜三
農喜盈尺六出儻崇花明朝闕門外應見海神車

春日

岸煙起暮色岸水帶斜暉逕狹橫枝度簾搖驚燕飛落
花承步履流澗寫行衣何殊九枝蓋薄暮洞庭歸

奉和簡文帝山齋

架嶺承金闕飛橋對石梁竹密山齋冷荷開水殿香山
花臨舞席水影照歌牀闕詩紀卷之一百

詩紀卷之一百

陳四

沈炯

字初明吳興武康人約之後有雋才仕梁為吳
令侯景之亂景將宋子仙據吳興逼令掌書記

及景東奔炯妻子皆為景害元帝立封原鄉侯領
尚書左丞魏尅荆州被虜授儀同以母在東求歸

陳武帝以為御史中丞
文帝立加明威將軍

長安少年行

長安好少年驄馬鐵連錢陳王裝腦勒晉后鑄金鞭步
搖如飛鸞寶劍一作劍似舒蓮去來新市側遨遊大道邊
道邊一老翁顏鬢如衰蓬自言居一作生漢世少小見豪

雄五侯俱拜爵七貴各論功建章通北闕復道度南宮
太后居長樂天子出回中玉輦迎飛鷲金山賞鄧通一
朝復一日忽見朝市空扶桑無復海崑山倒向東少年
何假問積齡值福終子孫冥滅盡鄉閭復不同淚盡眼
方暗髀傷耳自聾杖策尋遺老歌嘯詠悲翁遭隨各有
遇非敢訪童蒙

次韻獨酌詩

雜言

獨酌謠獨酌獨長謠智者不我顧愚夫余未要不愚復
不智誰當余見招所以成獨酌一酌傾一瓢生涯本漫

漫神理暫迢超再酌矜許史三酌傲松喬頻煩四五酌
不覺凌丹霄倏爾厭五鼎俄然賤九韶彭殤無異葵夷
跡可同朝龍蠖非不屈鵬鷄但逍遙寄語號呶侶無乃
大塵囂

從駕送軍

惟堯稱乃武軒后號神兵弔民資智勇治亂屬師貞我
君膺寶業歷駕視前英蒲海方無浪夷山未有平星光
下結旆劒氣上舒精雲開萬里徹日麗百川明撫鼓山
靈應詔蹕水祗驚

望郢州城

魂兮何處返非死復非仙坐柯如昨日石合一作石合未淹

年歷陽頓成浦東海果為田空憶扶風詠誰一作惟見峴

山傳世變才良政時移民物遷悲哉孫驃騎悠悠哭彼

天

長安還至方山愴然自傷

秦軍坑趙卒遂有一人生雖還舊鄉里危心曾未平淮

源北桐柏方山似削成猶疑屯虜騎尚畏值胡兵空村

餘拱木廢邑有頽城舊識既已盡新知皆異名百年三

萬日處處此傷情

離合詩贈江藻

開門枕芳野井上發紅桃林中藤蔦秀木末風雲高屋

室何寥廓至士隱蓬蒿故知人外賞文酒易陶陶友朋

足諧晤又此盛詩騷朗月同携手良景共含毫樂巴有

妙術言是神仙曹百年肆偃仰一理詎相勞閑居有樂

建除詩

建章連鳳闕藹藹入雲烟除庭發槐柳冠劔似神仙滿

衢飛玉軼夾道躍金鞭平明塵霧合薄暮風雲騫定交

太學裏射策雲臺邊執事一朝謬朝市忽崩遷破家徒
狗國力弱不扶顛危機空履虎擊惡豈如鷗成師鑿門
去敗績褻尸旋收魂不入斗抱景問穹玄開顏何所說
空憶平生前閉門窮巷里靜掃詠歸田

六府詩

水廣南山暗杖策出蓬門火炬村前發林煙樹下昏金
花散黃蕘蕙草雜芳蓀木蘭露漸落山芝風屢翻土高
行已冒抱甕憶中國穀城定若近當終黃石言

八音詩

金屋貯阿嬌樓閣起迢迢石頭足年少大道跨河橋絲
桐無緩節羅綺自飄飄竹煙生薄晚花色亂春朝匏瓜
詎無匹神女嫁蘇韶土地多妍冶鄉里足塵囂革年未
相識聲論動風飈木桃堪底用寄以答瓊瑤

六甲詩

甲拆開衆果萬物具敷榮乙飛上危幕雀乳出空城丙
魏舊勲業申韓事刑名丁翼陳詩罷公綏作賦成戊巢
花已秀滿塘草自生巳乃忘懷客榮樂尚關情庚庚聞
鳥轉肅肅望鳧征辛酸多憫惻寂寞少逢迎壬蒸懷太

古覆妙竹無名癸巳空施位詎以召幽貞

名山十二屬詩

鼠迹生塵案牛羊暮下來虎嘯生

當作

空谷兔月向窓

開龍隰遠青翠蛇柳近徘徊馬蘭方遠摘羊負始春裁

當作

猴栗羞芳果雞砧引清杯狗其懷物外猪蠹宵悠

哉

從遊天中寺應令

福界新開草名僧共下筵揚枝生拱樹錫杖呪飛泉石

座應朝講山龕擬夜禪當非舍衛國賣地取金錢

同庾中庶肩吾周處士弘讓遊明慶寺

鷲嶺三層塔菴園一講堂馴鳥逐飯磬狎獸繞禪床摘

菊山無酒燃松夜有香幸得同高勝於此瑩心王

名都一何綺

陸士衡擬古詩云名都一何綺城闕鬱盤桓

名都一何綺春日吐光輝高樓雲母扇復殿琉璃扉昭

儀同輦出高安連騎歸欲知天子貴千門應紫微

為我彈鳴琴

為我彈鳴

玉臺作清

琴琴鳴傷我襟半死無人見入竈始知

音空為貞女引誰達楚妃心雍門何假說落淚自滛滛

賦得邊馬有歸心

王贊詩朔風動秋
草邊馬有歸心

窮秋邊馬肥向塞甚思歸連鑣渡蒲海東舌下金微已

却魚麗陣將摧鶴翼圍彌憶長楸道金鞭一作背落暉

詠老馬

昔日從戎陣流汗幾東西一日馳千里三丈拔深泥渡

水頻傷骨翻霜屢損蹄勿言年齒暮尋途尚不迷

和蔡黃門口字詠絕句

轟轟宮閣路靈靈谷口問誰知名器品語哩各崎嶇

孔奐

字休文會稽山陰人初仕梁為尚書儀曹侍郎
陳受禪累遷晉陵太守文帝即位徵為御史中

丞歷仕三朝皆以
直道至德元年卒

賦得名都一何綺

京洛信名都佳麗擬蓬壺九華彫玳瑁百福上椒塗黃

金絡馭裏蓮花裝鹿盧咸言儀服盛無勝執金吾

孔魚

仕陳為太子舍人隋兵既入太子深年十五閉
閣而坐唯伯魚侍立戍士叩閣而入深勞之

和六府

金門朱軌躅吾子盛簪裾木舌無時用萍流復在余水

鄉訪松石蘭澤侶樵漁火洲方可至地肺即爲居士牛
自知止貞心達毀譽穀稼有時隙乘植望白榆

周弘正

字思行汝南安成人仕梁累遷國子博士侯景亂元帝以爲戶部尚書入陳位特進宣帝

時爲尚書右僕射

荅林法師

初學作江摠題云同庾信荅林法師

客行七十歲歲暮遠徂征寒雲結不解隴水凍無聲君
看日近遠爲村長安城

學中早起聽講

聲偶作周弘直者非

詰朝叅下座開步出重闌北堂月稍隱南枝鶴已飛早

霜垂靄靄初霧上霏霏嚴唱雖罷柝高門尚掩扉旣傷
年緒促復嗟心事遠平生愛山海宿昔特精微未解輕
身去唯應下第歸

還草堂尋處士第

四時易在苒百齡倏將半故老多零落山僧盡凋散宿
樹倒爲查舊水侵成岸幽尋屬令弟依然歸舊館感物
自多傷况乃春鶯亂

入武關

以下二首聲偶作周弘直

武關設地險遊客好逡迴將軍天上落童子弃繻來揮

汗成雲雨車馬颺塵埃鷄鳴不可信未曉莫先開

和庾肩吾入道館

石橋有舊路靈室儼衆仙菊潭溜餘水丹竈起殘煙挑
花經作實海水屢成田逆愁歸舊里追問斧柯年

看新婚

莫愁年十五來聘子都家壻顏如美玉婦色勝桃花帶
啼疑暮雨含笑似朝霞暫却輕紈扇傾城判不賒

名都一何綺

聲偶作周弘直

名都宮觀綺金壁藻華璫吹臺望鳩鵲舞殿接披香繡

轂遊丹水彫輦出平陽陸離徒照眼何解憂人傷

南思歸詠石鯨應詔

石鯨何壯麗獨在天池陰騫鰭類橫海半出似浮深吞
航本無日吐浪亦難尋聖帝遊靈沼能懷躍藻心

詠老敗鬪鷄

少壯摧雄敵眇視生猜忌一隨年月衰摧頹落毛駛閑
觀春光滿東郊草色異無復先鳴力空餘擅場意

隴頭送征客

朝霜侵漢草流沙度隴飛一聞流水曲行住兩霑衣

詠歌人偏得日照

斜光入丹扇的最分明欲持照彫拱仍作繞梁聲

和詠歌人偏得日照詩

劉孝綽

獨明花裏翠偏光粉上津屢將歌罷扇迴拂影中塵

詠班竹掩團扇

齊紈將楚竹從來本相遠將申湘女悲宜並班姬怨

於長安詠鴈

藝文作
庾信

南思洞庭水北想鴈門關稻梁俱可戀飛去復飛還

周弘讓

弘正之弟始仕不得志隱居茅山晚仕侯景為中書侍郎獲譏于世承聖初為國子祭酒

陳天嘉中
領太常卿

留贈山中隱士

藝文類聚題
云無名詩

行行訪名嶽處處必留連遂至一巖裏灌木上參天忽
見茅茨屋曖曖有人煙一士開門出一士呼我前相看
不道姓馬知隱與仙

春夜醮五岳圖文

夜靜瓊筵謐月出杏壇明香烟百和吐燈色九微清五
岳移龍駕十洲回鳳笙目想靈人格心屬羽衣輕蕙肴
薦神享桂醕達遙誠熙然聊自得挹酒念浮生

賦得長笛吐清氣

魏文帝善吹行曰悲絃激新聲長笛吐清氣

商聲傳後出龍吟鬱前吐情斷山陽舍氣咽平陽塢胡騎爭北歸偏知別鄉苦羈旅情易傷零淚如交雨

立秋

茲辰戒流火商飈早已驚雲天改夏色木葉動秋聲

周弘直

字思方弘讓弟方敦雅厚氣調高於二昆解褐梁太學博士為湘東王記室梁元帝授衡陽長沙內史行湘洲府事歷邵陵零陵太守陳天嘉中累遷太常卿光祿大夫

賦得荆軻

荆卿歆報燕銜恩棄百年市中傾別酒水上擊離絃七

首光凌日長虹氣燭天留言與宋意悲歌非自憐

陸瓊

字伯玉吳郡人幼聰惠有思理仕陳累官吏部尚書性謙儉不自封殖以母憂去職哀慕過毀

卒

關山月

邊城與明月俱在關山頭焚烽望別壘擊斗宿危樓團團婬好扇纖纖秦女鈎鄉園誰共此愁人屢益愁

梁甫吟

臨淄佳麗地年少一作少小習名倡似笑脣朱動非愁眉翠

揚掩抑隨竿轉和柔會瑟張輕扇屢迴指飛塵亟繞梁
寄言諸葛相此曲作難忘

還臺樂

一作陸機題
云飲酒樂

蒲萄四時芳醇瑠璃千鍾舊賓夜飲舞逢銷燭朝醒絃
促催人春風秋月恒好驩醉日月言新

長相思

長相思久離別一罷鴛文綺薦絕鴻已去柳堪結室冷
鏡疑冰庭幽花似雪容貌朝朝改書字看看減

張翥和張湖熟電詩

惟微動羽惟陰曾陽雨水作沴凝氣為祥

三五併時年二八共來前今逢泗濱樹定減琴中絃鶴

別霜初繁烏啼月正懸

陸瑜

字幹玉吳郡人瓊之從父弟也仕陳累官太子
洗馬中舍人與兄琰並以才學侍東宮時人比

之二
應

西王青仙人覽六著篇

曹子建仙人篇仙人
攬六著對博泰山隅

九仙會歡賞六著且娛神戲谷聞餘地銘山憶舊秦避

敵情思巧論兵勢重新問取南皮夕還笑拂其人

寄言請東飛伯勞歌

謝靈運詩
東飛伯勞

西王青鳥秦女鸞姮娥婺女慣相看誰家玉顏窺上路
粉色衣香雜風度九重樓檻芙蓉華四隣照鏡菱菱花
新妝年幾纔三五隱幔歲羞臨網戶然香氣歇不飛烟
空留可憐年一年

三五

獨酌謠人共來

獨酌謠芳氣饒一傾蕩神慮再酌動神飈忽逢鳳樓下
弄符鸞弦招窻明影乘人人來香逆飄杯隨轉態盡釧

逐畫杯搖桂宮非蜀郡當壚也至宵

陸玠

賦得雜言詠栗

貨見珍於有漢木取貴於隆周英肇萌於朱夏實方落
於素秋委玉盤雜椒糝將象席糝珍羞

東華仙歌

西王母高深宮
天妃戲女情相在
醉家玉蕊飛上
路

粉色衣香雜風
度九重樓檻芙蓉
華華四院
舞

銀素粉衣王
維錦林
舞舞舞舞舞舞
舞舞舞舞舞舞

魏林舞言結束

詩紀卷之百一

